


معلومة سريعة

حامل الأيقونات



سمعت كلمة (حامل الأيقونات) و عارف إيه هو؟ حامل الأيقونات بنشوفه كلنا في الكنيسة ...
تعالوا نعرف مكوناته

حامل الأيقونات

الأيقونات

قد يتغير الترتيب الجي في بعض الكنائس حسب المساحة المتاحة، لكن ده الترتيب الطقسي
السليم

في الجزء الفوقاني نلاقي صورة السيد المسيح الفادي على الصليب لأن دي أهم صورة و أكثر
صورة توضح محبة ربنا لنا
على يمينه العذرا مريم و على شماله يوحنا الحبيب (لأنهم هم بس اللي كانوا معاه وقت الصليب)

تحتها صورة العشاء الرباني اللي ربنا أسس فيها يوم خميس العهد سر الإفخارستيا (التناول) اللي
به نقدر نتحد به لقا نتناول جسده و دمه.
أحياناً بدلها بتكون موجودة صورة (العشاء الأخير)، عشاء الفصح اللي يهوذا حضره (الصورة بيكون

فيها 12 تلميذ) لأنها الأكثر انتشاراً ... لكن طبعاً الأفضل يكون صورة العشاء الرباني و تأسيس الإيفخارستيا (11 تلميذ)

على يمين و شمال الصورة نلاقي التلاميذ ال 12 (أعمدة الكنيسة).

في حضن الآب في الهيكل نلاقي صورة المسيح الضابط الكل (الألف و الياء).

على يمين الهيكل (الناحية البحرية): العذرا مريم (الملكة عن يمين الملك) و على اليمين صورة البشارة (لما الملاك جبرائيل بشر العذرا) و بعد كده الملاك ميخائيل (رئيس الملائكة و من أعلن قيامة السيد المسيح) ثم أيقونات الشهداء و القديسين.

على شمال الهيكل (الناحية القبليّة): أيقونة السيد المسيح ماسك الإنجيل (لأنه الراعي الصالح و الباب الوحيد للدخول إلى السماء) ... بعدها صورة القديس يوحنا المعمدان ثم أيقونات الشهداء و القديسين.

الأبواب

فيه 3 أبواب للهيكل: الوسطاني (الرئيسي أو الملوكي لأنه بيوصل للمذبح على طول) و اليمين و الشمال

السرّج و القناديل

قدام صورة كل قديس فيه قنديل منور (لأن نور ربنا أشرق في القديس ده) طبعاً صورة ربنا مفيش قدامها قنديل لأن هو النور الحقيقي

بيض النعام

من الحاحات الجميلة اللي بنشوفها في كنيستنا : بيض النعام بين الصور البيض عموماً بيرمز للقيامة و الحياة الجديدة (لأن الكتكوت بيخرج لوحده من البيضة و تبدأ حياته) المقصود من النعام لأن عندما تبيض النعام تدفن بيضا و تبقي بعيدة عنه ولكن عينها عليه مثال لربنا يسوع لأنه تركنا في العالم ولكن عينه علينا دائماً ويرعانا

عايزين لّمّا نشوف حامل الأيقونات نبص على القديسين العظماء اللي فيه و نطلب شفاعتهم فينا و نحاول نبقي زيهم



المراجع

• كتاب كنيستي الأرثوذكسية, ما أجملك!



مدرسة شمامسة مار أفرام السرياني ©2025